

اتوار 31 مئی، 2026

مضمون۔ پرانی تے نویں جادو گری، عرفیت، تنویم تے علم نو میات توں مکرنا

سنہری متن: زبور 119 باب 30 آیت

”میں وفاداری دی راہ چن لئی اے۔ میں تیرے حکم اپنے سامنے رکھے نیں۔“

جوابی پڑھائی: طس 2 باب 1 آیت

طس 1 باب 10 آیت

طس 2 باب 11 توں 14 آیتاں

1۔ پر توں اوہ گلاں دس جیہڑیاں ٹھیک تعلیم دے برابر نیں۔

10۔ کیوں جے بوہت سارے لوکی سر پھرے تے بیہودہ گلاں کرن والے نیں۔

11۔ کیوں جے رب دا وہ فضل ظاہر ہو نیا اے جیہڑا سارے بندیاں دی مکتی دی وجہ اے۔

12۔ تے ساہنوں تربیت دیندا اے پئی بے دینی تے دنیاوی خواہشاں دا انکار کر کے ایس موجودہ جہان وچ پرہیز گاری، راستبازی تے دینداری دے نال حیاتی گزارے۔

13۔ تے اوس مبارک آس یعنی اپنے بزرگ رب تے منجی یسوع مسیح دے جلال دے ظاہر ہوون دی اڈیک کردے رہے۔

14۔ جنسے اپنے آپ نوں ساڈے لئی دے دتتاں جو فدیہ ہو کے ساہنوں ہر طراں دی بے دینی توں چھڑالوے تے پاک کر کے اپنی خاص ملکیت لئی اک اجیہی امت بناوے جیہڑی نیک کماں وچ سرگرم ہووے۔

درسی وعظ

بائبل وچوں

1۔ زکریا 8 باب 3، 16، 17 آیتاں

3۔ خداوند ایلج آکھدا اے پئی میں صیون وچ پرت کے آیاواں تے یروشلیم وچ وساں گاتے یروشلیم دانال سچائی دا شہر ہووے گاتے فوجاں دے رب دا پہاڑ پاک پہاڑ اکھوائے گا۔

16۔ تسی ایہناں گلاں اُتے عمل کرو۔ تسی سارے اپنے گوانڈیاں نال سچ بولوتے اپنے پھانکاں وچ راستی نال عدالت کرو۔

17۔ تے تہاڈے وچوں کوئی اپنے بھرا دے خلاف دل وچ بھیڑا منصوبہ نہ بناوے تے جھوٹی قسم نوں عزیز نہ رکھے کیوں جے میں ایہناں ساریاں گلاں توں نفرت کرداواں خداوند آکھدا اے۔

2۔ پیدائش 12 باب 10 توں 16 (توں:)، 17 توں 20 آیتاں

10- تے اوس دیس وچ کال پے گیا تے ابرام مصر نوں ٹر گیا پئی او تھے ای ٹکلیار ہووے کیوں جے دیس وچ سخت کال پے گیا سی۔

11- تے اتخ ہو پئی جد اوہ مصر وچ وڑھن والا سی تے اوہنے اپنی بڈھی سارہ نوں آکھیا پئی ویکھ مینوں پتا اے پئی توں ویکھن نوں بوہت سوہنی بڈھی ایں۔

12- تے اتخ ہووے گا پئی مصری تینوں ویکھ کے آکھن گے پئی ایہہ لیسدی بڈھی اے۔ ایس لئی اوہ مینوں مار دین گے۔ پر تینوں جیوندہ رکھ لین گے۔

13- ایس لئی توں ایہہ آکھ دیویں پئی میں لیسدی بہن واں تاں جو تیرے پاروں میری خیر ہووے تے میری جند تیرے پاروں بچی رہوے۔

14- تے اتخ ہو پئی جد ابرام مصر وچ آیا تے مصریاں نے اوس بڈھی نوں ویکھیا پئی اوہ بوہت سوہنی اے۔

15- تے فرعون دے امیراں نے اوہنوں ویکھ کے فرعون دے سامنے اوہدی تعریف کیتی تے اوہ بڈھی فرعون دے گھر گھلی گئی۔

16- تے اوہنے اوہدی خاطر ابرام اُتے احسان کیتے تے بھید بکریاں تے مچاں گاناواں تے کھوتے تے غلام تے نوکرانیاں تے کھوتیاں تے اونٹھ اوہدے ہو گئے۔

17- پر خداوند نے فرعون تے اوہدے سارے خاندان اُتے ابرام دی بڈھی سارہ دے پاروں بڑیاں بلانواں گھلیاں۔

18- تد فرعون نے ابرام نوں بلا کے اوہنوں آکھیا توں میرے نال ایہہ کیہ کیتا؟ توں مینوں ایہہ کیوں نہ دسیا پئی ایہہ تیری بڈھی اے؟

19- ایہہ کیوں آکھیا پئی اوہ میری بہن اے؟ ایسے لئی میں اوہنوں لیا پئی اوہ میری بڈھی بنے۔ ایس لئی ویکھ تیرے بڈھی حاضر اے۔ اوہنوں لے تے ٹر جا۔

20- تے فرعون نے اوہدے حق وچ اپنے بندیاں نوں ہدایت کیتی تے اوہناں نے اوہنوں تے اوہدی بڈھی نوں اوہناں دے مال ڈنگراں دے نال گھلیا۔

3۔ امثال 12 باب 22 آیت

22۔ جھوٹیاں بُلیاں توں خداوند نوں نفرت اے پر راستکار اوہدی خوشنودی اے۔

4۔ پیدائش 15 باب 1، 6 آیتاں

1۔ ایہناں گلاں دے بعد وں خداوند اکلام سُفنے وچ ابرام اُتے نازل ہوئی تے اوہنوں آکھیا اے ابرام توں ڈرنہ۔
میں تیری سپر تے تیرا بوہت وڈھا جرواں۔

6۔ تے اوہ خداوند اُتے ایمان لیا یا تے اوہنوں اوہدے حق وچ راستبازی منیا گیا۔

5۔ پیدائش 17 باب 1، 5 (توں؛)، 9 (توں دوجی،)

1۔ جد وں ابرام نڑ نوں ورھیاں داہوئی تے خداوند ابرام نوں نظر آیا تے اوہنے آکھیا میں خدائے قادر وں۔ توں
میرے حضور ٹرتے کامل ہو۔

5۔ تے تیراناں فیر ابرام نئیں اکھوائے گا بلکہ تیراناں ابراہام ہووے گا کیوں جے میں تینوں بوہت ساریاں قوماں دا
پیو بناؤ تاں اے۔

9۔ فیر رب نے ابرام نوں آکھیا پئی توں میرے عہد نوں منیں تے تیرے بعد تیری نسل پیڑی توں پیڑی تیکر اوہنوں
منے۔

6۔ رومیوں 4 باب 1، 3، 7 (دھن)، 8 آیتاں

- 1۔ ایس لئی اسی کیہ آکھئی پئی ساڈے بدنی باپ ابرام نوں کیہ ملیا؟
- 3۔ پاک کتاب کیہ آکھ دی اے؟ ایہہ پئی ابرہام خداوند اُتے ایمان لیا یا تے ایہہ اوہدے لئی راستبازی منیا گیا۔
- 7۔ پئی دھن نیں اوہ جنہاں دیاں بدکاریاں معاف ہوئیاں تے جنہاں دے باپ ڈھکے گئے۔
- 8۔ دھن اے اوہ بندہ جیدے باپ خداوند حساب وچ نہ لیا وے گا۔

7۔ رومیوں 12 باب 1 توں 3 آیتاں

- 1۔ ایس لئی اے بھراو۔ میں رب دیاں رحمتاں یاد کرا کے تہا تھوں درخواست کرداواں پئی اپنے بدن اجیہی قربانی ہوون لئی نذر کرو جیہڑی زندہ تے پاک تے رب نوں پسندیدہ ہووے۔ ایہہ ای تہاڈی معقول عبادت اے۔
- 2۔ تے ایس جہان دے ہمشکل نہ بنو بلکہ سیان نویں ہو جاوون نال اپنی صورت بدل دے جاووتاں جوں رب دی نیک تے پسندیدہ تے کامل مرضی تجربے نال پتا کر دے رہو۔
- 3۔ میں اوس توفیق پاروں جیہڑی مینوں ملی اے تہاڈے وچوں ہر اک نوں آکھداواں پئی جیویں سمجھنا چاہیدا اے اوہدے توں بوہتا کوئی اپنے آپ نوں نہ سمجھے بلکہ جیویں رب نے ہر کسے نوں اندازے دے نال ایمان وںڈیا اے اعتدال دے نال اپنے آپ نوں اونچ ای سمجھے۔

8۔ 2 کرنتھیوں 10 باب 3 توں 5 آیتاں

- 3- کیوں جے بھانویں اسی جسم وچ حیاتی گزار دے آں پر جسم دے طور تے لڑ دے نیں۔
- 4- ایس لئی پئی ساڈی لڑائی دے ہتھیار جسمانی نیں بلکہ رب دے سامنے قلعیاں نوں ڈھاؤن دے قابل نیں۔
- 5- ایس لئی اسی تصور اں تے ہر اک اجیہی شے نوں جیہڑی رب دی پچھان دے خلاف سرچک کے بیٹھی اے ڈھا دیندے آں تے ہر اک خیال نوں قید کر کے مسیح دافرمانبردار بنا دیندے آں۔

9۔ مکاشفہ 14 باب 1، 3 (توں پہلی)، 4 (ایہہ اوہ نیں جیہڑے پیروی کردے نیں)، 5 آیتاں

- 1- فیر میں نظر کیتی تے کیہ ویکھداواں پئی اوہ برہ صیوں دے پہاڑ تے کھلوتا اے تے اوہ دے نال اک لکھ چوالی ہزار بندے نیں جنہاں دے متھے اُتے اوہ داتے اوہ دے باپ داناں لکھیا ہوئیا اے۔
- 3- تے اوہ تخت دے سامنے اک نواں گیت گارہے سی۔
- 4- ایہہ اوہ نیں جیہڑے بڑھیاں دے نال گندے نیں ہوئے بلکہ چھڑے نیں۔ ایہہ اوہ نیں جیہڑے برے دے مگر مگر ٹردے نیں۔ جتھے کتے اوہ جاندا اے، تے رب تے برے لئی پہلا پھل ہوون لئی بندیاں وچوں خرید لئے گئے نیں۔
- 5- تے اوہناں دے مونہوں کدی جھوٹ نیں نکلیا سی۔ اوہ بے عیب نیں۔

10۔ مکاشفہ 15 باب 2، 3 آیتاں

2- فیر میں شیشے ورگا اک سمندر ویکھیا جیدے وچ آگ وی ملی ہوئی سی تے جیہڑے اوس جانور تے اوہدے بت تے اوہدے نال دے عدد اُتے غالب ہوئے سی اوہناں نوں اوس شیشے دے سمندر دے کول رب دیاں بربطاں لے کے کھلوتے ہوئے ویکھیا۔

3- تے اوہ رب دے بندے موسیٰ دا گیت تے برے دا گیت گاگا کے آکھدے سی اے خداوند۔ قادرِ مطلق! تیرے کم وڈھے تے عجیب نیں۔ اے ازلی بادشاہ! تیریاں راہواں نیک تے ٹھیک نیں۔

سائنس تے صحت

1- 16:453 (ایمانداری)-20

ایمانداری روحانی طاقت اے۔ بے ایمانی انسان دی کمزوری اے، جیہڑی الہی مدد نوں ضائع کر دیندی اے۔ تسی پاپ نوں سامنے لیاؤندے اوز خمی کرن لئی نیں بلکہ جسمانی انسان نوں برکت دین لئی؛ تے اک ٹھیک مقصد اپنا جریا لیندا اے۔

2- 30-10:448

سیچائی دی بہانے بازی سالمیت نوں لولہ لنگڑا بنادیندی اے، تے تہانوں چوٹی توں بیٹھاں سٹ دیندی اے۔

کر سچن سائنس بدنی احساساں دے ثبوت توں اُتے اُٹھدی اے؛ پر جے تسی اپنے آپ نوں پاپ توں اُچانئیں کیتا، تے اپنے بدی دے انھے پن اُتے یکسے اجیہی جنگلیائی اُتے جنہوں تسی جان دے اوپر عمل نئیں کردے اپنے آپ نوں دھن بادنہ آکھو۔ اک بے ایمان حالت مسیحی سائنسی حالت توں بوہت دور اے۔ ”جیہڑا اپنے پاپاں نوں لکاؤندا اے کامیاب نہ ہووے گا پر جیہڑا اوہناں دا اقرار کر کے اوہناں نوں جھڈ دیندا اے اوہدے اُتے رحمت ہووے گی۔“ ایہہ جان دیاں ہوئیاں پئی سچیاں دے پیار دے وڈھے نتیجیاں نوں حاصل کرنا غلطی، بریائی تے نفرت لئی ناممکن اے، ہر طالب علم دے ذہن اُتے الہی سائنس دا مضبوط اثر، شفا یابی لئی ضروری اخلاقی تے روحانی قابلیت داک اعلیٰ احساس، جھڈن دی کوشش کرو۔ پوری کر سچن سائنس دے خلاف ہدایتاں دا استقبال یا بچھا کرنا ہمیشہ سائنسی اظہار وچ رکاوٹ بن دا اے۔

جے طالب علم کر سچن سائنس دیاں تعلیمات اُتے سختی نال عمل کردا اے تے اوہدے اصولاں نوں نئیں توڑنا چاہندا تے اوہ شفا یابی وچ کامیابی توں محروم نئیں ہو سکدا۔ ٹھیک کم کرنا کر سچن سائنس اے، تے نیکی کرن توں گھٹ کسے شے دے ناں اُتے کوئی دعویٰ نئیں اے۔

3- 127:23-29

کیوں جے ساری سچیاں سیان توں جاری ہندی اے ایس لئی اوہدے وچ جسمانی سائنس نئیں اے۔ ایس لئی سچیاں انسان وی نئیں اے، تے ایہہ مادے دا قانون نئیں اے کیوں جے مادا قانون دین والا نئیں اے۔ سائنس الہی سیان دا ظہور اے تے بس ایہہ ای رب دی ٹھیک تشریح کرن دے قابل اے۔ ایہہ اصل روحانی اے نہ کہ مادی اے۔ ایہہ الہی خیالاں دا اظہار اے، یعنی تسلی دین والا جیہڑا سچیاں ول لے کے جاندا اے۔

4- 446:18 (وچ)-23

سیان دی شفا والی سائنس وچ ایماندار ہونا بوہت ضروری اے، کیوں جے جت نابدلن والی سچیائی اُتے نیوں رکھدی اے۔ رب نوں سمجھنا آس نوں مضبوط کردا اے، تے یسوع دے ایس کلام دی تصدیق کردا اے: ”ویکھو میں جگ دے اخیر تیکر ہمیشہ تہاڈے نال واں۔“

5- 26-7:570

جدوں رب بیمار یا پاپ کرن والے نوں شفا دیندا اے تے اوہناں نوں اوس وڈھے فائدے توں واقف ہونا چاہیدا اے جیہڑا سیان اوہناں لئی لیا کی اے۔ اوہناں نوں سیان دے اوس وڈھے وہم توں وی واقف ہونا چاہیدا اے جیہڑا اوہناں نوں بیمار یا پاپی بناؤندا اے۔ بوہت سارے لوکی الہی سیان وچ وسن والی چنگی طاقت لئی دوجیاں دیاں اکھیاں کھولنا چاؤندے نیں، پر اوہ انسان دی سوچ وچ لگی ہوئی بدی ول اشارہ کرن تے بدی نوں پورا کرن والے لکھے ہوئے ذہنی طریقیاں نوں سامنے لیاؤن لئی تیار نیں۔

اجیہی پسماندگی کیوں، جد کہ بدی توں دوری نوں یقینی بنان لئی انکشاف ضروری اے؟ کیوں جے لوکی تہانوں اوس ویلے بوہتا پسند کردے نیں جدتسی اوہناں دیاں خوبیاں دسواہدی نسبت پئی جدتسی اوہناں دیاں بریاں دسو۔

6- 18-6:184

ایمان ایمان دے نتیجے ای پیدا کردا اے تے جیہڑیاں سزاواں ایہدے نال جڑیاں نیں اوہ ایمان دے طور تے ای کنسے چر تیکر رہن والیاں ہندیاں نیں تے ایہدے توں غیر منفک ہندیاں نیں۔ مسئلے دی تہہ تیکر تحقیق کرن، اوس غلطی

دے عقیدے دا انکار کر دیاں ہوئے جیہڑا فانی اختلاف پیدا کر دالے ایہنوں لبھن تے باہر نکلن وچ جیہڑا علانِ پاپا جاندا اے اوہ کدی غلط عقیدے نوں قانون دے عنوان دے نال عزت نیں دیوے گاتے نہ ای ایہنوں تابعداری وچ منے گا۔ انسان لئی سچائی، حیاتی تے پیاری کلیاں جائز تے ہمیشہ دیاں شرطاں نیں تے ایہہ الہی قانوناں دی فرمانبرداری اُتے عمل کرواؤندیاں ہوئے، روحانی شریعت دین والیاں نیں۔

الہی ذہانت دے قابو وچ رہندیاں ہوئے، انسان ہم آہنگ تے ابدی اے۔ جو کجھ وی جھوٹے عقیدے دی حکمرانی میٹھاں اے اوہ مخالف تے فانی اے۔

7- 32-20:447

بدی تے بیماری نوں اوہناں دیاں اصلاحواں وچ ای سامنے لیاؤ تے اوہناں دی مذمت کروکسے پاپی نوں ایس گل دالقیں دواؤندیاں ہوئے اوہدی اصلاح نیں ہو سکدی پئی اوہ ایس لئی پاپی نیں اے کیوں جے پاپ ہے ہی نیں۔ پاپ نوں کمزور کرن لئی تہانوں ایہنوں لبھناں پوے گا، ایہنوں بے پردہ کرنا پوے گا، فریب نظری نوں سامنے لیاؤنا پوے گا، تے ایس طراں پاپ اُتے فتح مند ہوو تے ایہنوں غیر اصلی ثابت کرو۔ بس ایہہ آکھن نال پئی بیماری ہے نیں اے، بیماری توں شفا نیں ملدی، بلکہ ایہہ جانن نال ملدی اے پئی بیماری نیں اے۔

اک پاپی پہلا پتھر مارن توں ڈردا اے۔ اوہ، اک بہانے دے طور تے، آکھ سکدا اے پئی بدی غیر اصلی اے، پر ایہنوں سمجھن لئی اوہنوں اپنے بیان نوں واضح کرنا پوے گا۔

8- 16-11:449 (توں؛)

انساناں دا اخلاقی پارہ، ودھن تے کٹن نال، اوہنوں سکھاؤن لئی اوہدی شفائیہ قابلیت تے صحت مندی نوں درج کردا اے۔ جیہڑا تسی جان دے اوپئی تہاںوں ایہدے اُتے بوہت چنگی طراں عمل کرنا چاہیدا اے، تے فیر تسی اپنی ایمانداری تے خلوص دے تناسب وچ اگے ودھو گے، ایہہ اوہ خاصیتاں نیں جیہڑیاں ایس سائنس وچ کامیابی دی ضمانت دیندیاں نیں۔

9-3:8

ساہنوں کدی کسے ایماندار دل نوں مایوس نہیں کرنا چاہیدا؛ بلکہ اوہناں لوکاں لئی تھوڑی بوہت آس باقی اے جیہڑے داری واری اپنی بدکاری دے نال سامنے آؤندے نیں تے فیر اوہنوں لکاؤن لئی تھیں لبھدے نیں۔ اوہناں دیاں دعاواں اجیہیاں دلیلاں نیں جیہڑیاں اوہناں دے کردار دے نال میل نہیں رکھدیاں۔ اوہ پاپ دے نال خفیہ رشتہ رکھدے نیں، تے اجیہے ظاہری لوکاں دے بارے یسوع نے آکھیا پئی اوہ ”سفیدی پھریاں قبریں وانگر نیں۔۔۔ جیہڑیاں اندروں ہر طراں دی گندگی نال۔۔۔ بھریاں نیں۔“

10-24:15

ٹھیک طراں دعا کرن لئی، ساہنوں کو ٹھڑی دے اندر جا کے بوہا بند کرنا پوے گا۔ ساہنوں جلیاں نوں بند کرنا تے مادی حساں نوں چپ کرنا پوے گا۔ خلوص والیاں خواہشاں دے چُپ مقدس وچ ساہنوں پاپ توں انکار تے رب دی ساری کاملیت لئی منت کرنی چاہیدی اے۔ ساہنوں سولی چکن دی ہمت کرنی چاہیدی اے تے سیان، سچائی تے پیار اُتے غور کرن تے ایہناں اُتے کم کرن لئی سچے دل نال اگے ودھنا چاہیدا اے۔ ساہنوں ”ہر روز دعا کرنی“ چاہیدی

اے۔ ایچ دی د عا دای جواب ملد اے، ایس حد تیکر پئی اسی ساڈیاں خواہشاں نوں پورا کر لینے آں۔ مالک دی ہدایت ایہہ اے پئی اسی لکد کے دعا کر یئے تے ساڈیاں حیاتیاں نال ساڈی وفاداری دی گواہی دیئے۔

11- 8-3:272

سچیاں نوں سمجھن توں پہلاں سچیاں دار و حافی فہم حاصل ہونا ضروری اے۔ ایہہ فہم اوس ویلے ای ساڈے اندر سما سکد اے جدوں اسی ایماندار، بے غرض، پیار کرن والے تے حلیم ہن آں۔ اک ”ایماندار تے نیک دل“ دی مٹی وچ بیج بویا جانا چاہیدا اے؛ نیں تے ایہہ بوہتا پھل نیں دیوے گا، کیوں جے انسانی فطرت وچ گندہ عنصر ایہنوں جڑوں پُٹ چھڈ دا اے۔

12- 2-1:65

تجربہ نیکی واسکول ہونا چاہیدا اے، تے انسانی خوشی انسان دی اعلیٰ فطرت دے اگے ودھنی چاہیدا اے۔

13- 11-5:418

اوس غلطی دے خلاف ہستی دی سچیاں اُتے قائم رہو و پئی حیاتی، مواد یا ذہانت مادے وچ ہو سکدے نیں۔ سچیاں دے خالص یقین تے الہی سائنس دے نہ بدلن والے، بے خطا تے یقینی اثر والے واضح نظریے دے نال منت کرو۔ تد، جے تہاڈی ایمانداری تے تہاڈی منت دی سچیاں اُدھو اُدھ برابر وی ہووے تے تسی بیمار نوں ٹھیک کر سکو گے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔